



An Bhruiséil, 20 Feabhra 2026  
(OR. en)

---

---

Comhad Idirinstitiúideach:  
2023/0115(COD)

---

---

15484/25  
ADD 1

EF 372  
ECOFIN 1523  
CODEC 1823  
*ECB*

### **DRÉACHT-RÁITEAS AR CHÚISEANNA NA COMHAIRLE**

---

Ábhar: Seasamh ón gComhairle ar an gcéad léamh d'fhonn  
TREOIR Ó PHARLAIMINT NA hEORPA AGUS ÓN gCOMHAIRLE lena  
leasaítear Treoir 2014/49/AE a mhéid a bhaineann le raon feidhme  
cosanta taiscí, úsáid cistí scéimeanna ráthaithe taiscí, comhar trasteorann  
agus trédhearcacht a ghlacadh  
– Dréacht-Ráiteas ar chúiseanna na Comhairle

---

## I. RÉAMHRÁ

1. An 19 Aibreán 2023, chuir an Coimisiún faoi bhráid na Comhairle agus Parlaimint na hEorpa an pacáiste athbhreithnithe maidir le Bainistiú Géarchéime agus Árachas Taiscí (dá ngairtear an ‘togra’ anseo feasta), lena gcuimsítear teachtaireacht agus ceithre ghníomh dlí, ar scaradh uaidh an ghníomh dlí ‘slabhraí nóiníní’ ar deireadh agus a ghlac na comhreachtóirí ar leithligh (dá bhrí sin, tuigfear gur ag tagairt do na trí ghníomh dlí eile atáthar le tagairt do Bhainistiú Géarchéime agus Árachas Taiscí nó don togra):

- Togra le haghaidh TREOIR Ó PHARLAIMINT NA hEORPA AGUS ÓN gCOMHAIRLE lena leasaítear Treoir 2014/59/AE a mhéid a bhaineann le bearta luath-idirghabhála, coinníollacha maidir le réiteach agus gníomhaíocht réitigh a mhaoiniú;
- Togra le haghaidh TREOIR Ó PHARLAIMINT NA hEORPA AGUS ÓN gCOMHAIRLE lena leasaítear Treoir 2014/49/AE a mhéid a bhaineann le raon feidhme cosanta taiscí, úsáid cistí scéimeanna ráthaithe taiscí, comhar trasteorann agus trédhearcacht;
- Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE lena leasaítear Rialachán (AE) Uimh. 806/2014 a mhéid a bhaineann le bearta luath-idirghabhála, coinníollacha maidir le réiteach agus gníomhaíocht réitigh a chistiú;
- Togra le haghaidh TREOIR Ó PHARLAIMINT NA hEORPA AGUS ÓN gCOMHAIRLE lena leasaítear Treoir 2014/59/AE agus Rialachán (AE) Uimh. 806/2014 a mhéid a bhaineann le gnéithe áirithe den íoscheanglas le haghaidh cistí dílse agus dliteanais incháilithe (‘slabhraí nóiníní’).

2. Tá an Treoir maidir le Téarnamh agus Réiteach na mBanc agus an Rialachán maidir leis an Sásra Réitigh Aonair bunaithe ar Airteagal 114 den Chonradh ar Fheidhmiú an Aontais Eorpaigh (CFAE) agus tá an Treoir maidir le Scéimeanna Ráthaithe Taiscí bunaithe ar Airteagal 53(1) de (an gnáthnós imeachta reachtach).
3. Glacadh an tuairim ón mBanc Ceannais Eorpach an 5 Iúil 2023<sup>1</sup>. Glacadh an tuairim ó Choiste Eacnamaíoch agus Sóisialta na hEorpa an 13 Iúil 2023<sup>2</sup>.
4. I bParlaimint na hEorpa, is ar an gCoiste um Ghnóthaí Eacnamaíochta agus Airgeadaíochta (Coiste ECON) a bhí an phríomhfhreagracht. Ghlac Parlaimint na hEorpa a seasamh ar an gcéad léamh an 24 Aibreán 2024.
5. Phléigh Meitheal na Comhairle um Sheirbhísí Airgeadais agus um an Aontas Baincéireachta an togra ag na cruinnithe a bhí aici an 24 Bealtaine 2023, an 7 Iúil 2023, an 20 Iúil 2023, an 18 Meán Fómhair 2023, an 9 Deireadh Fómhair 2023, an 31 Deireadh Fómhair 2023, an 21 Samhain 2023, an 27 Feabhra 2024, an 25 Márta 2024, an 26 Aibreán 2024, an 23 agus an 24 Bealtaine 2024, an 3 Meitheamh 2024 agus an 7 Meitheamh 2024. D'fhorpheas Coiste na mBuanionadaithe an sainordú caibidlíochta an 19 Meitheamh 2024 agus thug sé sainordú don Uachtaránacht dul i mbun caibidlíochta le Parlaimint na hEorpa. Ar an mbonn sin, chuathas i mbun caibidlíocht le Parlaimint na hEorpa agus leis an gCoimisiún d'fhonn teacht ar chomhaontú luath ar an dara léamh.
6. Bhí na cruinnithe tríthaobhacha ar siúl an 17 Nollaig 2024, an 14 Eanáir 2025, an 4 Feabhra 2025, an 12 Márta 2025, an 25 Márta 2025, an 28 Aibreán 2025, an 22 Bealtaine 2025, an 5 Meitheamh 2025.

---

<sup>1</sup> 11577 2023 INIT

<sup>2</sup> 15142 2025 INIT

7. Ag an gcruinniú tríthaobhach deireanach an 25 Meitheamh 2025, tháinig na comhreachtóirí ar chomhaontú polaitiúil sealadach, as ar tháinig na téacsanna comhréitigh críochnaitheacha mar a leagtar amach in 15011 ADD1 2025, 15011 ADD2 2025 agus 15011 ADD3 2025 iad.
8. An 5 Samhain 2025, d'fhorhnuigh Coiste Pharlaimint na hEorpa um Ghnóthaí Eacnamaíochta agus Airgeadaíochta (ECON) na téacsanna comhréitigh. An 6 Samhain 2025, sheol Cathaoirleach an Choiste um Ghnóthaí Eacnamaíochta agus Airgeadaíochta litir chuig Cathaoirleach Choiste na mBuanionadaithe á thabhairt le fios – i gcás ina dtarchuirfeadh an Chomhairle a seasamh chuig Parlaimint na hEorpa mar a comhaontaíodh – go molfadh sí don suí iomlánach, faoi réir athbhreithniú dlítheangeolaíoch, go nglacfaí le seasamh na Comhairle gan aon leasú ag an dara léamh sa Pharlaimint (féach an nóta faisnéise<sup>1</sup> chuig Coreper).
9. I bhfianaise an mhéid thuas, ag an gcruinniú a bhí aige an 12 Samhain 2025, tháinig Coreper ar chomhaontú polaitiúil, ar bhonn na dtéacsanna comhréitigh. Rinneadh athbhreithniú dlítheangeolaíoch ar na téacsanna comhréitigh, agus as sin d'eascair na téacsanna críochnaitheacha a leagtar amach in 15389/25, 15445/25 agus 15484/25 chun go bhféadfaí teacht ar chomhaontú luath ar an dara léamh.

---

<sup>1</sup> 15146 2025

## II. AN PRÍOMHCHUSPÓIR

10. Foráiltear leis an bpacáiste maidir le Bainistiú Ghéarchéime agus Árachas Taiscí, d'fhorbairt spriocdhírthe ar an gcreat atá ann cheana agus é d'aidhm aige **réiteach ordúil i gcás bainc bheaga agus mheánmhéide a bheith indéanta** trí údarú a thabhairt d'údaráis réitigh cistí a fháil, i gcásanna eisceachtúla agus faoi choinníollacha dochta, ón scéim ráthaithe taiscí (SRT) chun cur chun feidhme straitéis réitigh aistrithe bainc a mhaoiniú mura leor cumas ionsúcháin caillteanais inmheánach an bhainc sin chun rochtain a fháil ar an socrú cistithe réitigh. Tríd an ordlathas cistiúcháin agus na sásraí oibríochtúla a mhíniú go soiléir, tá sé d'aidhm ag an athchóiriú **an méid is lú d'airgead na gcáiníocóirí a úsáid** agus, ag an am céanna, rochtain taisceoirí agus cobhsaíocht airgeadais a chaomhnú agus seasamh le príomhphrionsabal an chreata réitigh go ndéanfadh na scairshealbhóirí agus na creidiúnaithe na caillteanais a ionsú chun sláine na socruithe cistithe réitigh a chosaint.
11. Chun ilroinnt a laghdú ar fud an Aontais, tá sé d'aidhm ag an athbhreithniú freisin **cóireáil na mbeart malartach agus coisctheach a chomhchuibhiú** agus comhordú trasteorann idir maoirseoirí agus údaráis réitigh a neartú.

## III. ANAILÍS AR AN SEASAMH ÓN gCOMHAIRLE AR AN gCÉAD LÉAMH

### Comhthéacs an nós imeachta

12. Ar bhonn an togra ón gCoimisiún, chuaigh an Pharlaimint agus an Chomhairle i mbun caibidlíochta agus é mar aidhm acu teacht ar chomhaontú luath ar an dara léamh ar bhonn an tseasaimh ón gComhairle ar an gcéad léamh. Is léiriú iomlán an seasamh ón gComhairle ar an gcomhréiteach ar thángthas air idir an dá chomhrechtóir.

## Achoimre ar na príomh-shaincheistean

13. I gcomparáid leis an seasamh ó Pharlaimint na hEorpa, tá na príomhghnéithe seo a leanas sa seasamh ón gComhairle ar an gcéad léamh i ndáil leis an Treoir maidir le Scéimeanna Ráthaithe Taiscí, ar tháinig na comhreachtóirí ar chomhaontú ina leith:
14. Áirithítear leis an seasamh ón gComhairle gur lánrogha náisiúnta i gcónaí é cistí scéimeanna ráthaithe taiscí a úsáid lasmuigh de réiteach, go háirithe le haghaidh bearta malartacha agus coisctheacha, agus déantar foráil ann maidir le coinníollacha mionsonraithe i ndáil le húsáid na mbeart sin, lena n-áirítear ceanglais maidir le pleananna téarnaimh, coimircí rialachais, agus srianta ar dhíbhiní agus luach saothair inathraithe. Leis an seasamh ón gComhairle, tugtar isteach forálacha lena soiléirítear ról agus ceanglais na scéimeanna cosanta institiúideacha a aithnítear mar SRTnna, gan aistrithe sealadacha a cheadú chun tacú le leachtacht agus sócmhainneacht institiúidí cleamhnaithe ach amháin i gcás ina gcomhlíontar coimircí dochta agus, ar an gcaoi sin, neamhspleáchas oibríochtúil agus fíntacht airgeadais SRTnna a chaomhnú agus, ag an am céanna, a chur ar chumas scéimeanna cosanta institiúideacha gníomhú go tapa chun teipeanna laistigh dá líonraí a chosc. Cé go gcoinnítear ar bun rannpháirtíocht SRTnna seachas íocaíocht amach i gcás dócmhainneachta, cuireann an seasamh ón gComhairle an tástáil shimplithe ar an gcostas is lú i bhfeidhm go haonfhoirmeach maidir le gach beart bainistithe géarchéime, chun a áirithiú nach mó idirghabhálacha SRTnna i réiteach agus lasmuigh de ná an costas a bhaineann le taiscí faoi chumhdach a aisíoc.

## IV. CONCLÚID

15. Leis an seasamh ón gComhairle, leagtar béim ar phríomhchuspóir an togra ón gCoimisiún agus léirítear go hiomlán an comhréiteach ar thángthas air sa chaibidlíocht neamhfhoirmiúil idir an Chomhairle agus Parlaimint na hEorpa, le tacaíocht ón gCoimisiún.